

文昌橋志卷三

星象

附圖

郡之分野正應文昌橋之名所繇起也天官家多
侈言稽象者疑焉蒼前說而縷晰之以李紘說爲
正稽星象第三

文昌星考

史記天官書斗魁戴筐六星曰文昌宮

孝經援神契曰文精所聚揚天紀輔拂並居以成天

撫郡文昌橋志

卷三

星象

象故曰文昌宮

前漢天文志斗魁戴筐六星曰文昌宮晉灼曰似筐

故曰戴筐一曰上將二曰次將三曰貴相四曰司命

五曰司祿六曰司災

文耀鉤云文者精所聚昌者揚天紀輔拂並居以成

天象故曰文昌宮一曰上將二曰次將三曰貴相四

曰司命五曰司中六曰司祿

晉天文志文昌六星在北斗魁前天之六府也主集

計天道一曰上將大將軍建威武二曰次將尙書正
左右三曰貴相太常理文緒四曰司祿司中司隸掌
功進五曰司命司恠大史主滅咎六曰司寇大理佐
理實所謂一者起北斗魁前近內階者也明潤大小
齊天瑞錄

甘公石申星經云文昌七星如半月形在北斗魁前
天府主營計天下事其六星各有名六司法大理色
黃光潤則天下安萬物成青黑及細微多所殘害文

撫郡文昌橋志

卷三

星象

二

昌與三公攝提軒轅箕爲一體通占木土星守之天
下安

天皇會通文昌位於斗之上欲明文命敷於四海法
文昌也

荊州星占云文昌者天府離宮也

漢天文志孝成建始元年九月有流星出文昌訕折
委曲貫紫宮在斗西北子亥間如環

唐天文志開元九年一行受詔改治新歷欲知黃道

進退而太史無黃道儀率府兵曹參軍梁令瓚以木
爲游儀一行是之乃奏黃道游儀其所測與古異者
舊經文昌二星在輿鬼四星在東井北斗樞在星一
度璇在張二度機在翼二度權在翼八度衡在軫八
度開陽在角七度杓在亢四度今測文昌四星在柳
一星在輿鬼一星在東井北斗樞在張十三度璇在
張十二度半機在翼十三度權在翼十七度太衡在
軫十度半開陽在角四度少杓在角十二度少

撫郡文昌橋志

卷三

星象

三

元史張起巖傳至元乙酉三月乙亥太史奏文昌星
明文運將興

晉百官表註尙書令唐虞官也是謂文昌天府
劉洎疏尙書萬機實爲政本是以八座比於文昌
張衡天象賦文昌制戴筐之位羅將相而枕三台
渾天賦文昌拜大將

晉成公綏賦帝皇正坐於紫宮輔臣列位於文昌

景定臨川志云質之史冊區別其分野則吳揚爲

斗牛女爲星紀考之舊經吾州又文昌之所臨照
夫上通於辰次各著其分野者天下之所同上通
於天垣正應於文昌者吾州之所獨星土之占其
証則有休咎所不可得而常乃若斯文在天地間
則歷終古而光景若一不寧惟是人文化成天象
叶應庶徵有不若者乎然則文星照明則不占有
孚分野當蒙其福矣斯言然哉

淳熙志云臨川有文昌堰舊經云上直文昌星詳

觀史志文昌星所主者不但斯文而已將相貴臣
之象其星凡六號六府又六卿之象北斗在太微
垣之上文昌又在斗魁之前斗魁從而戴之此又
高明光大之象史以戴筐言者其星如筐筥與斗
魁皆以象取斗與筐其器不能相離自然之象星
居天庭與十二辰次殊所占在上將上相及六司
貴臣故諸史未嘗言其所臨照之分野世之星圖
或疎或密難以盡据惟西漢史近古於天文度數

惟言其大率不若後世之迫切詳求而流於支離也漢天文志所述孝成建始元年九月有流星出文昌訕折委曲貫紫宮在斗西北子亥間如環志凡言流星之行必曰起某所至某所或入某所犯某所經某所掃某所皆動也惟此占但言出貫又言環又言在子亥間文昌與斗魁在太微北皆迨近紫宮垣流星環之者不動故也星出文昌在子亥間而不動則文昌亦在子亥間矣子亥與巳午

相直巳午東南也上直文昌宮之說庶幾在此又按晉志北斗魁四星杓三星一主秦二主楚三主梁四主吳五主燕六主趙七主齊七政星明其國昌四文曲也臨汝吳分也舊經所云上直文昌此亦一義併記之

撫州劉志云周禮保章氏以星土辨九州之地撫州在禹貢爲揚州其於次舍曰星紀日月五星之所終始也其於分星曰南斗

考異云斗北方之宿以夏秋間見於南方

故謂南斗其辰丑其分野於地爲吳其於北斗屬權星其於南斗屬天相星其度入南斗中其於太微垣近文昌二星曰上台上台上星占兗豫下星占荆揚其於天帝則東南垣第六星曰吳越其於五車麗司空星天官書曰吳楚之交候在熒惑其占爲烏衡後漢天文志曰玉衡第六星主揚州常以五巳日占之乙巳爲豫章唐僧一行以天下山河之象存於兩戒而星紀之次當雲漢下流百川歸焉

撫郡文昌橋志

卷三

星象

六

其神主衡嶽其律黃鍾其干支配丁戊其專應文昌星

李紘撫州星野考云宋淳熙臨川志稱臨川有文昌堰舊經云上直文昌星不知何所本始然不文昌堰也城之東有文昌堂城東門曰文昌門出城百武有長橋跨汝水曰文昌橋其名皆命自晉唐以來豈當時精於天文者確有所見而命之名耶抑偶然耶漢晉之間吾鄉多精於天文者雷煥

識斗牛劍氣指豐城獄中得之分野之精如此一郡所當視劍氣相萬豈無識其確然者乎宋景定中郡守家坤翁修郡志謂上通辰次各著分野者諸州之所同而上通天垣正應文昌者吾郡之所獨又引漢志建始元年九月有流星出文昌貫紫宮在斗西北子亥間如環以爲文昌亦當在子亥與巳午相值斯言是矣顧子亥間未足云也所云斗西北乃正當撫州耳杜氏通典謂揚州管斗牛

撫郡文昌橋志

卷二

星象

七

之分野兼得楚及南越之交以全吳論則撫州在西以南越論則撫州在北文昌在斗西北謂主撫州抑豈濶哉且善言天者必有驗於人文昌在北斗之首斗魁戴筐六星曰文昌宮孝經援神契云文精所聚揚天紀輔拂並居以成天象故曰文昌宮孔子論道之興喪歸之於斯文自孟子沒後死者不得與千五百年至象山陸子出然後直接孟子之傳文不在茲而安往乎至於餘光炳蔚旁燭

無疆若樂子正晏元獻之博雅王文公與曾文定

文昭南豐本屬撫州文定兄弟並生郡城虞文靖諸公之古文吳文

正公祖孫之箋疏小山玉茗之詞賦陳羅章艾之

經義別集踰百家應試童子首縣臨川以萬計亦

海內文事所絕無而僅有者分應文昌宜亦無歎

雖然天道遠人道邇撫之士大夫幸生斯土值

國家文教昌明上焉者仰宗陸子與於斯文次亦當

誦法王曾吳虞諸公之文學然後人文與天文相

撫郡文昌橋志

卷二

星象

八

應天固未可獨特也適郡大夫新修郡志成因為

考其所以願與郡人士共勉之李穆堂臨川志云此攷最明哲其持

論亦穩

按蔡邕月令章句云自斗至須女謂之星紀之次

吳越之分野漢志云越地女之分野吳地斗之分

野地理志云吳地斗分野今之會稽九江丹陽豫

章廬江廣陵六安臨淮盡吳分臨川豫章地也其

為斗之分野無疑矣廬陵舊志謂十二次分屬星

紀二十八舍兼入南斗牽牛婺女此說非也晉志
辨揚州九郡躔次豫章入斗十度九江入斗一度
廬江入斗六度丹陽入斗十六度會稽入牛一度
臨淮入牛四度廣陵入牛八度泗水入女一度六
安入女六度以爲陳卓范蠡鬼谷張良諸葛亮譙
周京房張衡皆云然未有謂豫章併入牛女者竊
觀三垣五緯各有主星如勾陳之應華蓋明堂之
應靈臺或以類從或以氣合其精光所燭不差累

撫郡文昌橋志

卷三

星象

九

忝理固然也然豫章之域皆斗也則皆應文昌也
淳熙志曰文昌堰上直文昌星豈以意逆之者乎
譬之日色圓照九垓而其精燄正射影於土圭凝
於陽燧者僅如珠如芥其感之者至矣故應之者
不得不專此不在天而在人者也故李紘曰天固
未可獨特也

按文昌六星命名互異天官書四曰司命五曰司
中六曰司祿前漢天文志四曰司命五曰司祿六

曰司灾晉天文志四曰司祿司中司隸賞功進五
 曰司命司惟太史主滅咎六曰司寇大理佐理寶
 星經曰六司法大理蓋古之言天象者不離人事
 其命名徵驗取近是而已非必確有主名也紫微
 垣北極之位為天帝所居故其附天樞者皆占宮
 廷文昌六星在北斗魁前其光熊熊其芒作作有
 如輔弼並居明文命而勇四海豈真設官分職一
 成而不可易者哉

撫郡文昌橋志

卷三

星象
文昌星圖

十



史記云二十八舍主十二州斗柄兼之所從來久
矣杓攜龍角衡殷南斗魁枕參首用昏建者杓杓
白華以西南北斗七星第四曰權六曰開陽緯文
耀鉤云布度定紀分州繫象蒙山以東至江南震
澤徐揚屬權星星經又云斗杓第六星曰開陽主
揚州文昌六星一曰上將二曰次將三曰貴相四
曰司祿五曰司命六曰司寇